



## PROGRAMA “XUNTOS POLO NADAL”

A Consellería de Política Social, a través da Dirección Xeral de Maiores e Persoas con Discapacidade organiza este programa de promoción do envellecemento activo e convivencia, destinado ás persoas maiores que se atopen soas nestas datas, xa sexa por carencia de familiares ou amigos, perda do seu cónxuxe ou por outras circunstancias.

### Prazas e destinos

Ofértanse un total de **240** prazas distribuídas do seguinte xeito:

- 120 na Residencia de Tempo Libre do **Carballiño** (Ourense), para as persoas solicitantes das provincias de **Lugo e Pontevedra**.
- 120 na Residencia de Tempo Libre de **Panxón**, en Nigrán (Pontevedra), para as persoas solicitantes das provincias de **A Coruña e Ourense**.

### Datas e servizos

Este programa levarase a cabo entre o **día 23 de decembro de 2017 e o día 7 de xaneiro de 2018** e comprende os seguintes **servizos**:

- Estancia na residencia durante 16 días (15 noites).
- Aloxamento en **habitacións compartidas** e manutención en réxime de pensión completa.
- Desprazamento en autobús desde os lugares que se establezan nas localidades que corresponda (Santiago, A Coruña, Ferrol, Pontevedra, Vigo, Lugo ou Ourense) ata a residencia de tempo libre que se lle adxudique e viceversa.
- Actividades de animación sociocultural.

A recollida das persoas participantes efectuarase o día **23 de decembro** pola tarde e a volta o día **7 de xaneiro** despois do almorzo.

### Persoas beneficiarias:

- a) Ter 60 anos, cumpridos no momento en que remate o prazo de presentación de solicitudes.
- b) Estar empadroado nalgún concello galego.
- c) Vivir so no seu domicilio e ter que pasar só/a as datas do Nadal.
- d) Valerse por si mesmo e non padecer enfermidade infecto-contaxiosa activa nin trastornos mentais ou de conduta non compensados que poidan alterar a convivencia.

Para a selección dos participantes daráselle **preferencia** ás persoas que:

- Perderan ao seu cónxuxe ou persoa coa que convivisen nos últimos anos.
- Teñan máis idade
- Teñan un menor nivel de ingresos económicos.
- Non participaran no Programa Xuntos polo Nadal en pasadas edicións.

### Solicitudes:

As solicitudes, acompañadas do informe social e da declaración responsable, formularase nos modelos establecidos ao efecto e estarán debidamente cubertas e asinadas pola persoa que corresponda.



**O prazo de presentación será ata o día 17 de novembro incluído**, nos servizos sociais comunitarios dos concellos, nos departamentos de traballo social dos centros de saúde ou hospitais, nas xefaturas territoriais ou Centros Sociocomunitarios de Benestar, dependentes da Consellería de Política Social; ou ben por calquera dos medios previstos no artigo 16.4 da Lei 39/2015, do 1 de outubro do Procedemento Administrativo Común das Administracións Públicas.

### Prezo da praza:

As persoas participantes que teñan uns ingresos inferiores ao IPREM (537,84€/mes), asistirán de forma gratuíta ao programa, mentres que aquelas cuns ingresos superiores a dito importe contribuirán ao pago da estancia coa achega de 50€.

Unha vez efectuado o ingreso de dito importe, se é o caso, só se efectuará a súa devolución se non se incorporan ao programa e o comunican por escrito polo menos con 10 días de antelación ao seu comezo; ou o día anterior ou o mesmo día no caso de forza maior: enfermidade ou falecemento dun familiar; situacións que terá que acreditar coa solicitude no caso de solicitar a devolución. Non se lles devolverá ningún importe se abandonan o programa unha vez iniciado o mesmo, ou non se atopan nos supostos anteriores.

Os gastos de desprazamento desde o domicilio dos adxudicatarios ata o lugar de saída que se indique nas localidades de Ferrol, A Coruña, Santiago, Lugo, Ourense, Pontevedra ou Vigo e viceversa serán por conta da persoa participante.

### Documentación:

As persoas ás que se lle adxudique praza terán que confirmar a súa asistencia e, no momento de incorporarse ao programa, ir provistas de:

- DNI ou pasaporte en vigor.
- Informe médico actualizado no caso de ter algunha limitación, alerxia ou enfermidade que requira de algunha atención especial (control sanitario, tratamento farmacolóxico, alimentación, accesorio de apoio, habitación individual ...etc). De non levar a acreditación da necesidade, non se lle prestará ningún tipo de atención especial.
- Tarxeta sanitaria, medicación habitual necesaria e/ou accesorios para o transcurso da estada.
- Roupas cómodas.

**Para mas información** poden consultar a páxina web da Consellería de Política Social <http://politicassocial.xunta.gal/web/portal/portada-de-maiores>, ou dirixirse a:

- **A Consellería de Política Social**

Subdirección Xeral de Promoción da Autonomía Persoal e Prevención da Dependencia  
Edificio Administrativo San Caetano, s/n. 15781 Santiago de Compostela.

Tlfn: 981 547437/ FAX: 981 545691.

Correo electrónico: [autonomiapersoal.sxps@xunta.gal](mailto:autonomiapersoal.sxps@xunta.gal)

- **O Teléfono Social: 900 333 666** (gratuíto).





- **As Xefaturas Territoriais da Consellería de Política Social**

Servizos de Dependencia e Autonomía Persoal

Rúa Concepción Arenal, 7-9. 15006 **A Coruña**.

Teléfono: 881881537 Fax: 981881506

Rúa Serra de Ancares, 68 baixo. 27003 **Lugo**

Teléfono: 982294896 Fax: 982889162

Rúa Concello, 14. 32003 **Ourense** (Centro Sociocomunitario)

Teléfono: 988372430 Fax: 988370884

Praza da Estrela, s/n - 3º Andar. 36201 **Vigo**

Teléfono: 986817214 Fax: 986817637

- **Os Centros Sociocomunitarios** de Benestar da Consellería de Política Social

- **Os servizos sociais comunitarios dos concellos e os departamentos de servizos sociais de atención primaria e de atención especializada de saúde ou dos hospitais.**